



Inombolo yefayili: 3/3/1/1/4  
Isalathiso: 20220329-1141

ISetyhula: 0019/2022

Umhla wokuphelelwa: Awukho

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi  
beeSekethe, kwiiNtloko zawo onke amaziko emfundo nakooSihlalo bamabhunga olawulo

Isishwankathelo esifutshane: *Le setyhula yazisa ukuqaliswa kokusetyenziswa kwekhompyutha (automation) kwazo zonke iinkqubo zogaya nokukhetha abasebenzi benkonzo karhulumente nokugqithiselwa kolawulo lwale nkqubo kwii-ofisi zezithili ukwenzela izithuba zenqanaba elisezantsi (decentralisation of the process in respect of entry level posts).*

**ISihloko: Ukugaywa nokukhethwa kwabaqeshwa benkonzo karhulumente abakumaziko**

1. INTloko yeSebe leMfundo ikuvumile ukuqaliswa kokusetyenziswa kwekhompyutha (*automation*) kwazo zonke iinkqubo zogaya nokukhetha abasebenzi benkonzo karhulumente nokugqithiselwa kolawulo lwale nkqubo kwii-ofisi zezithili ukwenzela izithuba zenqanaba elisezantsi (*decentralisation of the process in respect of entry level posts*).
2. **Izithuba zenqanaba elisezantsi (entry level posts)**
  - 2.1 Izikolo zinokuqhubeka ukupapasha ezi zithuba zilandelayo ngokusebenzisa amaqonga opapasho akhoyo asetyenziswa kwizithuba zengqesho yethutyana:
    - a) UMabhalana wezolawulo
    - b) Umncedisi Jikelele
    - c) UMsebenzi oNcedisa kwiNdawo yokuHlala
    - d) UMncedisi waseFama
    - e) INesi
  - 2.2 Izibhengezo mazingqinelanise neenkcazo zomsebenzi zeendidi zezithuba ezahlukileyo.

- 2.3 Amaxwebhu okutyunjwa kwabafanelekileyo nobungqina obuhamba kunye nawo benkqubo elandelwayo mawangeniswe kuMlawuli weCandelo lokuGaya nokuKhetha aBasebenzi ukwenzela ukuqwalaselwa nokuvunywa kwawo.
- 2.4 ICandelo lokuGaya nokuKhetha aBasebenzi liya kuhlola amaxwebhu ukukhangela ukuchaneka nokulandelwa kwemigaqo emiselweyo nokuba yinyani kwawo yaye likuvume ukutyunjwa nokuqeshwa ngokusisigxina komqeshwa.
3. **Izithuba zonyuselo-sikhundleni**
- 3.1 Izikolo mazipapashe ezi zithuba zilandelayo kwi-*eRecruitment System*:
- a) IForimani Jikelele
  - b) ISuphavayiza kwiNdawo yokuHlala
  - c) ISuphavayiza eneQhuzu kwiNdawo yokuHlala
- 3.2 Izibhengezo mazingqinelaniswe neenkcazo zomsebenzi zeendidi zezithuba ezahlukileyo.
- 3.3 Abenzi-sicelo mabakhuthazwe ukuba benze izicelo kwizithuba ezipapashiweyo ngokusebenzisa ikhompuyutha (*online system*).
- 3.4 Kwiindawo ezinengxaki yenethiwekhi (*connectivity challenges*), abenzi-sicelo baya kuvunyelwa ukuba bangenise izicelo ngesandla.
- 3.5 Emva komhla wokuvala, izicelo zinokufunyanwa kusetyenziswa i-*eRecruitment System* ukwenzela ukuqaliswa kweenkqubo zokugaya, ukukhetha nokuqesha abasebenzi.
4. Izikolo zinako ukukhetha ukuzipapasha zonke izithuba (izithuba zonyuselo-sikhundleni nezithuba zenqanaba elisezantsi) ngokuqala zigqithe kwi-*eRecruitment System*.
5. Apha kuqhotyoshelwe i-*Practical Guide to the Recruitment, Selection and Appointment of Institution-based Public Service Employees* ukuncedisa iikomiti zodliwano-ndlebe.
6. Kucelwa uqinisekise ukuba okuqulethwe kule setyhula kwaziswa bonke abachaphazelekayo ukuze bakuthathele ingqalelo.

**ISAYINWE:** NGU-HA LEWIS

**INTLOKO EBAMBELEYO YESEBE LEMFUNDO**

**UMHLA:** 2022-04-12